

**Comun-a 'd CASTLAMONT**  
**Assessorà a la Cultura**  
**a indis**  
**ël III CONCORS LITERARI**  
**“IJ PIGNATÉ ‘D CASTLAMONT “**

Sla fiòca ambaronà	doi euj fàit ëd carbon
pcite man geilà	ch'a rijo carià 'd bin:
a van gravand con gust	l'è tut barba Cichin
na testa, un còl, un bust.	con s-cirpa e con tracòla.
Tre giàire për boton,	A-j manca la paròla!

*Remo Bertodatti (da....Méter ëd fiòca)*

Nòst propòsit a l'è col ëd promove e valorisé sempe 'd pì le parlade dël Piemont, an tute soe noanse ma rispetand la grafia dla “Lenga piemontèisa normalisà o dij Brandé”.

A sarìa vremen vajant vèdde na bondosa partessipassion dij poeta e prosador piemontèis.

Le Magistre e ij Magìster ëd le scòle, a son anvità a sproné j'anlev a pijé part al Concors.

L'arcomandassion a l'è cola 'd pa argomenté episodi amoraj o indecent.

**GNUN COTISS DA PAGHÉ**  
**La partessipassion a l'è libera a tuti**

Tute j'euve presentà, a vniran pa restituìje e, andran a fé part ëd nòst archivi.

Chi a pija part al Concors a aceta tut lòn ch'a l'è arportà dal present Regolamento e, a dà sò tàcit consens, che j'euve presentà a podran esse publicà senza che j'Àtur a peusso avansé pretèise o compens.

Èl giudissi dla Giurìa, a l'è “insindicabil”....A peul vnì “criticà”, ma nen contestà.

I dati personaj dij partessipant, a ven-o mach utilisà për lè svolgiment dël Concors e a vniran pa divulgà a gnun, ai sens ëd la Lege n°675/96.-

Për informassion:

Assessorà a la Coltura dla Comun-a 'd Castlamont:

Teléfono: 0124 5187216

E-mail: [cultura@comune.castellamonte.to.it](mailto:cultura@comune.castellamonte.to.it).

Vitòria Minèt

Teléfono: 339 3111056 – 0124 581311

E-mail: [minetti.vittoria@tiscali.it](mailto:minetti.vittoria@tiscali.it)

**REGOLAMENT**

SESSION A: Poesia a tema liber, massim DOE euvre, nen pì longhe 'd 30 vers, con caratèr “12 Times New Roman o Arial”

SESSION B: Prosa a tema liber, massim DOE euvre e nen pì 'd 3 pagine A4, sempe con caratèr “12 Times New Roman o “Arial”

## SEZIONE C:

Riservà a le masnà dle scòle:

- Anventé na conta, na fàula.
- Scrive na legenda ch'a l'han sentù conté.
- Compon-e na poesia.

J'euve a peulo esse compagnà da dissègn ch'a 'rciamo l'argument.

A sarìa bel che ij travaj dla session C a fusso fàit da grop ëd 5 o 6 masnà ch'a travajo 'nsema

A peulo fesse giuté da parent e amis ch'a conòsso ël piemontèis.

**J'euve presentà a dovràn NEN esse stàite classificà ant ij primi ses pòst d'àutri concors nì stàite publicà prima dël 30 giugn 2017, pen-a l'esclusion dal Concors.**

Tute j'euve a deuvo esse presentà'n forma datiloscrita o con l'ordinateur (computer).

As aceto 'dcò euve scrite a man ma mach se a son pròpe ciàire da lese.

Jë scrit a dovràn esse stampà an 5 còpie anònime, contrassegnà da në stranòm (pseudonimo), e senza tradussion.

A saran nen tolerà dj'àutri segn ch'a peusso fé conosse l'àutor ò l'àutris.

Ij concorent a dovràn alegghe ai travaj na scheda con: nòm, cognòm, drèssa e nùmer telefònich con eventual "e-mail ëd pòsta elettronica"; ël tut **sarà** (sigillato) ant na busta con indicà da fòra lë stranòm e butà 'ndrinta a l'àutra busta ch'a conten j'euve.

J'euve as peulo mandesse për pòsta ordinaria nen raccomandà.

**Scadensa: nen pì 'n là dël 30 ëd giugn 2017 (a farà fe 'l timber ëd la pòsta )**

a:

III° Concorso Letterario  
"IJ PIGNATÉ 'D CASTLAMONT"  
c/o Comune di Castellamonte  
Assessorato alla Cultura  
10080 – CASTELLAMONTE (Torino)

Na Giuria qualificà a giudicherà j'euve, e sò giudissi a podrà pa sindachesse .

I premi consisto an: tòch 'd tèra cheuita 'd Castlamont con ëd galuparie dël pòst, liber e d'àutri premi a "sorprèisa".

A tuti ij concorent a vnirà dàita na bërgamin-a personalisà.

Ij premi a dovràn ëvnì ritirà personalment da j' autor o da un sò delegà e, coj pa ritirà, a restran a disposission dj'interessà findì al 31.12.2017.

La premiassion as tnerà ant ël  
Centro Congressi "Piero Martinetti"  
Via Educ  
10081 – CASTELLAMONTE -

La data, ël programma e l'orari dla premiassion, ch'a peul esse ch'a sia 'l 1° o lë 2° saba dël mèis d'otóber, a vniran comunicà an temp ùtil a tuti coj ch'a pijeran part al concors.